

## Igl meis da mars 2021 ò la suprastanza communal tracto tranter oter igls affars suandonts:

### **Immobiglias, fatgs da santieri e da sepultura, provedimaint d'ava**

- Decidia da prancepi da metter an vista alla scola da skis da Savognin la lubientscha da pudeir retrer ava digl conduct d'ava da beber a Parseiras. La dumonda è neida fatga an connex cun l'elaboraziun da diversas variantas da project per adattar igl neivadoir a La Nars, Savognin, allas cundiziuns digl ambiaint midadas.
- Decidia da prolungar igl contract da dretg da compra conc. parcella nr. 3281, Viols, Savognin, cun la RESalpina GmbH per dus onns anfignen igls 18 da mars 2023. La prolunga è stada necessaria percheigl tgi recurs retardeschan la realisaziun digl resort da vacanzas.
- Ordino da rezonar la parcella nr. 4042, Sandeilas, Savognin, an possess dalla Ebneter Consult SA, dall'actuala "zona da hotel B" anavos ainten la "zona digl center" resp. "zona d'abitar 4", causa tgi igl project "hotel Savognin" è betg nia realiso ainfer igl taimp prescretg.
- Decidia da refusar las treis offertas da compra inoltradas digls interessents per las immobiglias communalas venalas a Tinizong, Rona e Marmorera, cun dar agls interessents la pussebladad da far offertas pi otas.

### **Fatgs generals, fatgs da persunal, economia e provedimaint d'energeia**

- Fixo las tractandas per la radunanza communal digls 10 da matg 2021.
- Decidia da dar or la recumandaziun da renunztgier da lascher eir rachetas e dad anvidar petardas a caschung dalla festa naziunala 2021. Ins ò dantant desistia da relascher en scumond general da fis artificials.
- Surdo la lavour da furneir en reservuar prefabritgia an connex cun la sanaziun digl provedimaint d'ava Sur alla firma Haus und Wassertechnik SA, Au SG.

### **Turissem**

- Barat tranter suprastanza communal, cunsegl d'administraziun ed acziunaris dalla Turissem Savognin Bivio Albula AG, siva digl cumbat da votaziun e la prolungaziun digl contract da parc digl Parc Ela.
- Approvo la revisiun parziala davart las disposiziuns executivas dalla lescha da giasts e taxas turisticas digl cumegn da Surses concernent art. 9, cat. V, punct 2), e mess an vigour tala sen igl 1. da matg 2021.

### **Fatgs da construcziun, planificaziun digl territori e planisaziun locala**

- Approvo la cunvagnientscha cun igl Uffezi da construcziun bassa digl cantun Grischun concernent la correcziun da veia «Bovas da Rona» (etappa Mulegn, km 41.92 - km 43.47).
- Approvo igl contract da compra pertutgont la vendita dalla parcella nr. 7153, Sot Gassetta, a Riom, an possess digl cumegn da Surses, per la construcziun d'ena tgesa d'abitar (domicil primar). La procedura da vendita è neida fatga tenor la practica digl anteriour cumegn da Riom-Parsonz.
- Decidia da vender la parcella da biagier nr. 4263, Sulom, Savognin, an possess digl cumegn da Surses, per la construcziun d'ena tgesa d'abitar (domicil primar). La procedura da vendita è neida fatga tenor la lescha digl anteriour cumegn da Savognin per la cunsigna da taragn an dretg da biagier e per la vendita da taragn da biagier agl territori "Sulom".

### **Ovras communalas incl. infrastruttura turistica, economia forestala**

- Lubia da far lavours da revaletaziun segl li sitg da muntada naziunala (parcella nr. 1424, Pro Lung, Tinizong) an possess digl cumegn da Surses. Las lavours vignan exequeidas aint igl

rom d'en project da pilot davart las infrastructuras ecologigas an parcs. Purtader digl project è igl cumegn da Surses. Las lavours vignan exequeidas digls cultivaders sen agens costs.

- Surdo las lavours per prestaziuns d'inschignier pertutgont igl project d'investiziun "equipaziun Gôt Grond" agl biro d'ingschignier e misiraziun Planisaziun Sonder a Salouf.
- Decidia d'indemnisar igls possessours resp. igls cultivaders da parcelas agricolas per sperditas da racolta caschunadas an connex cun la preparaziun da loipas e sendas d'anviern sen chellas parcelas.

Tinizong, igls 26-04-2021

Suprastanza communal Surses